

邊塞攷經國雄略卷之四

鄭大郁孟周

編訂

溫陵

兄大雄孟發

參閱

邊塞攷

寧夏


寧夏鎮古朔方河西地國初置寧夏等五衛西北據賀蘭山東南帶黃河內有漢唐二渠險固饒沃自虜入套以來邊患始劇其在夏秋則用渾脫浮渡以擾河東嚴冬則踏水猝入乘我不備而清水興武花馬池尤稱要焉

寧夏亦朔方地。鎮城所據賀蘭山環其西北，黃河襟其東南，爲關陝重鎮。衛城西南一百四十里有陝山峽口，兩山相夾，黃河經其中，誠塞北一勝槩也。成化前虜患多在西河，自虜據套以來，河東三百里更爲敵衝。是故窺平固則犯花馬池，掠環慶則繇花馬池之東入靈州等處，則清水營一帶是其經矣。築牆畫守，始自巡撫徐庭璋。此千古卓然之見，而總制楊一清、王瓊、唐龍皆嘗增築，更益敵臺，足禦竊發矣。願兵

寡勢分，難當大舉之寇。嘗聞弘治以前虜任套，不嘗間有連歲不入者。我邊每歲于河凍時決其出入，入則戒嚴，出則解嚴。蓋水泮後則不復能出入矣。今虜渾脫飛渡，數萬立濟，經年往套，安爲巢穴，逋逃教誘，盡知我內地虛實，此可與往日論哉。而花馬池一帶適其利涉之境，遊騎出入無日無之，宜乎延寧固靜終歲不得休息也。試尚籌之。若澤花馬池便利之地，大建城堡，添設參遊，移總制居之，分屯重兵于清水

寧夏邊圖

西受降



武興等營。令三百里間。旗幟相望。刀斗相聞。其鍼在泉等處。水草大路。盡建墩堡。此不惟得扼吭先制之計。東援榆林。西援寧夏。亦嘗山蛇勢也。

國初接受降。而衛東勝。以當一面之險。後又撤東勝。以就延綏。則以一面之地。當千里之衝。遂使河套沃壤。棄為虜巢。深山大河。勢固在彼。寧夏外險。反在河南。而花馬池一帶。適其利涉之境。遊騎往來。無日無之。宜乎延寧固靜。終歲之不得以少休也。茲者復守

東勝。因河為界。東接大同。西接寧夏。使河套方千里之地。歸我耕牧。開屯四百萬頃。歲省內地轉輸。誠為上策。顧力有未能。未敢議及。始以目前言之。以平虜為一路。而其險在鹽山。新興。靈武等處。以寧夏為一路。而其險在赤水。寧化。玉泉。馬砲。泉等處。以中衛為一路。而其險在東園堡。桑遠堡。舊安寨等處。以花馬池為一路。而其險在定邊營。楊柳堡。清水。興武。鐵柱。泉。靈州等處。而靈州為尤要。蓋靈州北臨廣套。西控

大河實寧夏之喉襟中原之門戶靈州不守則寧夏  
隔為外境環固勢孤無援無環固則無陝矣此今日  
寧夏防禦控制之大略也

### 寧夏邊圖攷

寧夏鎮屬衛二所四營四堡一十有八備禦  
馬步官軍三萬七百八十七員名馬四千一  
百八十四匹糧料二十萬七千五百五十七石  
有零民糧四千六百九十石有零草一百三  
十六萬一千  
五百餘束

欽差總督軍務都御史一督理糧儲郎中一駐寧夏  
后衛管糧僉事一駐本鎮一管糧通判二後衛一中  
衛一監收通判一駐本鎮  
欽差巡撫都御史總兵官一副總兵一遊擊一方面

邊塞瑣  
坐營奇遊翼千總都指揮三俱駐本鎮分守東路叅  
將一駐中衛把總管隊官全一邱屯局捕首領官全

寧夏管轄

後衛備禦官軍七千一百一十五員各馬六百五十  
五匹糧料一萬四千一百四十九石民糧四千六百  
九十石三斗八升草三十一萬九千一百七十六束  
高平堡備禦官軍二百零二員各

安定堡一千七百三員各馬一百三十三匹備禦官  
軍一千七百三員各糧料一千三百六十一石草一  
萬八千束

鐵柱堡備禦官軍四百二十一員各馬九十六匹糧  
料九千一百七十三石八斗四升草一萬三千四百  
束

協同鎮興武所備禦官軍二千二百八十員各馬二  
百五十二匹糧料五千八百六十四石草五十三萬  
六千束

永清堡備禦官軍三百一員各

毛卜堡備禦官軍二百一員各馬六十四匹糧料九千四百四十六石

靈州所分守中路叅將備禦官軍三百九十二員各馬五百八十二匹糧料四千八百五十七石草六千八百六十八束

清水營備禦官軍五百零九員各馬一十七匹糧料三萬二千二十一石草四千一百束

紅山堡備禦官軍二百五十一員各馬五匹糧料六千六百八十五石草一萬二千四十二束

堡橫城備禦官軍三百一員各馬一十八匹糧料二千七百六十三石草一十萬二千四百一十一束

小鹽營備禦官軍六百四十四員各馬八十一匹糧料九千九百五十四石草五千二百束

紅寺堡備禦官軍三百七十一員各馬二匹糧料一千二百三十石草一石五百三十一束



韋州所備禦官軍一千一百二十員各糧料二萬一千二百三十石草五萬四千七百六十六束

守備平虜所備禦官軍七百七十二員各馬六百六十五匹糧料五千一百一十二石草五萬六千三百四束

威鎮堡備禦官軍二百五十一員各馬一十一匹糧料二千四百九十五石草三萬七百三十四束

把總衛鎮朔堡備禦官軍二百一十七員各馬二十

九匹糧料一百七十九石草二百四十八束

衛把總洪廣堡備禦官軍二百零一員各馬一十六匹糧料八百石草四千八百二十束

衛把總鎮北堡備禦官軍二百零一員各馬六匹糧料一千八百七十三石草一萬三千三百八束

後衛把總玉泉營備禦官軍二百員各馬一十三匹糧料二千三百五十五石草一千五百三十束

後衛把總大壩堡備禦官軍二百零一員各馬一十

邊塞疏  
四卷  
八  
卷  
匹糧料八百四十八石草一千二百二十五束

後衛把總平羌堡備禦官軍二百員名馬一十五匹  
糧料一千八十九石草三千八百束

邵綱堡備禦官軍五百一十八員名馬二百六十七  
匹糧料八千七百六十四石草一十萬一千六百二  
十束

廣武營備禦官軍一千五百二十員名馬四百八十  
四匹糧料一萬四千三百九十四石草一萬一千七

百四十七束

棗園堡備禦官軍一百員名馬三十八匹糧料二千  
五百石草一萬四百二十四束

中衛備禦官軍七千六百一十四員名馬七百八十  
七匹糧料三萬三千九十三石草一萬一千九百五  
十二束

鳴沙堡備禦官軍四百員名馬二十四匹糧料七千  
一十七石草一萬七千四十束

邊塞  
石空堡備禦官軍五十八員名馬三十二匹糧料六千三百四石草二千九百九十八束

鎮虜堡備禦官軍三十二員名馬一十六匹糧料二千石草九千六百四十四束

### 畿輔內三關

按內三關有二曰偏頭曰雁門曰寧武此則近畿輔內三關也曰居庸曰紫荆曰倒馬固守畿輔莫此若矣是所當亟講者此也

龍泉紫荆倒馬故關此畿北內邊關也俱屬保定提督馬方宜大鴈門蔚朔等關雖為外藩然三受降城高關東勝未復外藩關鎮僅可自支則內關亦未可恃以為安也嘗論四關之險龍泉為上倒馬次之紫荆故關又次之論四關之勢紫荆為惡倒馬次之龍





泉故關又次之。獨論紫荆倒馬之勢。紫荆雖負山臨河。不足以據一關之隘。西則白石口極爲平漫。堪馳十輪。東則馬水口外臨廣谷。內無完城。且相去紫荆四百里。倉卒有警。應援不及。倒馬則落路吳王二口均當要害。又切近茨溝等村。故今所憂者不在紫荆。正關而在水馬。白石不在倒馬。正關而在落路。吳王也。

分隸三關管轄

直隸三關

欽差巡撫保定等處都御史一駐保定。

欽差巡按居庸等關監察御史一駐京師。

欽差鎮守副總兵一駐保定。都指揮一駐居庸。守備

五居庸一。紫荆一。倒馬一。白羊口一。浮圖峪一。

居庸關

居庸關隸薊州。所轄撞道等口墩寨七十有三。城二。堡三。屬馬步官軍一萬三千七百六十二員。各子粒

邊塞攷  
四  
米二千六十石。新增餘地折色銀三百五十兩。餘丁承稔米三百三十石。馬四百二十二匹。

東路撞道等口一十三。俱無住城。橫石墻一道。共馬步官軍一百七十八員名。

中路雙泉等口三十六。除白羊口。餘俱無住城。橫石墻一道。共馬步官軍七百七十員名。

白羊口堡。小石城一座。馬步官軍五百八十一員名。馬六十匹。迤西六墩軍四十名。

西路栢峪等口三十七。俱無住城。橫石墻一道。有鑊邊城一座。內除長峪城。共馬步官軍五百三十三員名。

長峪城一座。馬步官軍二百七十二員名。

### 紫荆關

紫荆關。隸保定提督所轄。沿河等口七十六。屬春秋輪班。并備禦嘗守。馬步官軍共五千八百八十六員。名。子粒米一千七十四石。馬四百一十二匹。馱鎗馬

八十匹

外一層自東而西沿河等口五十二內除浮圖峪口  
共馬步官軍一千三十七員各

浮圖峪口馬步官軍四十三員各馬八十匹

內一層自西而東白石等口二十四共馬步官軍二  
百七十三員各

倒馬關

倒馬關隸保定提督所轄周家堡等口一百一十有

五關二屬嘗守備冬馬步官軍五千八百一十三員  
名子粒米一千六十石備冬騎操馬一百三十匹

東北路周家等口六十六內除插箭嶺口共馬步官  
軍四百九十七員各插箭嶺口嘗守官軍三百員各  
西南路龍泉等口五十一共馬步官軍一千四百四  
十一員各



### 紫荆關

紫荆關隸保定提督轄沿口等口七十有六。外一層自東而西沿河等口五十二。內一層自西而東白石等口二十四。與居片。倒馬。勢相聯絡。是為三關云。

按紫荆關西北為盤石口。烏龍溝口。浮圖峪。寧靜安口。白石口。又自白石口回關。循而東北。則官座嶺口。奇峯口。懸崖僻徑。皆親詣其處。則徑山峻而臺更峻。直插雲端。嶺袤而墻復袤。迥絕地脉。有缺必補。無罅不杜。壘構疑驅五丁。險固自成四塞。真可踞虎豹當。

關之威而虢犬羊窺伺之鳧矣。緣時平積久，加地震  
顛仍，練卒既稀，頽垣多有。邇者插虜內訌，禍已震鄰。  
勤 朝廷北顧之憂，厯 上臺鎖鑰之慮。既經萬分  
振刷，自爾百勝無虞。職効役馳驅，備窺形勝。竊謂衝  
緩宜辨，圖誌未徹。根源防護，須周布置。難容寸漏，罷  
務與人相習。城因設具，始堅守正路。兼守間路，毋令  
狡計得出。陰平首伐謀，其次伐兵。要使泥丸足封函  
谷，千聞不如一見。先人纔可奪人，俯抒蠱測於芻蕘。

仰佐 鴻猷乎帷幄，除城堡臺墩。應砌去處，火繩刀  
械。應修款件，造册另報。

一揆險易之實，查得外口皆衝，內口皆緩。然外口而  
崗陵陡絕，路徑崎嶇，則衝却成緩。內口而鎖鑰攸關，  
地勢難守，則緩反成衝。夫紫荆關者，都門外戶也。苟  
此處微罅，三輔便成戰場。後山雖峻，前河却淺。虜騎  
涉河，則北門一帶處處受敵。凡稱極衝，至盤石口官  
座嶺口奇峯口，口不設欽總，似皆少緩。獨盤石

瓦窰安口賊繇此入徑達上陳驛繞在關後可慮耳  
烏龍溝外通廣昌團堡村而山路迂迴煤窰安口雙  
陀兒口通人不通馬虎張石口忙兒溝口通單騎而  
難容衆騎總計宜以次衝論也

寧靜安外通廣昌縣然城據絕頂南門臨口自上至  
下五六里峻絕難登真有一夫當關萬人莫過者卽  
吊驢崖口木積安口稍衝亦憑山易守五虎嶺口則  
在內矣總計宜以緩論者也

按浮圖峪外通廣昌爲紫荊咽喉西門臨口河淺易  
涉左手爲孤山路濶難把進孤山卽教場可屯千騎  
與城對壘右手爲蜚狐口直衝夾河口繇此徑入內  
地故浮圖峪之衝比紫荊而十倍也白石口通廣昌  
甚近雖內達紫荊路頗迂遠然繇鼻子嶺轉而東南  
黃上嶺可達易州轉而正南尚家台黃野子村可抵  
真定卽紫荊關不能爲蔽也且口內路難而口外路  
坦難則救援絕坦則虜犯易况北門臨口未設甕城

溝窄可越。又小山逼城勢若俯瞰。至西水溝口。葫荻口。地更平壘。繇此徑衝黃土嶺。又不待攻城而可入矣。故白石最險。非險固之險。乃危險之險也。險易別而後知緩急。

二策防守之宜。查得紫荆關城垣高固。堅壁為宜。緣河而西十里。為盤石臺。隔岸有盤石城。對峙虜入必繇此過。但陡路甚濶。河淺可渡。宜壘巨石以塞路。水衝

恐石易漂。當下濶二丈。而上殺止二尺。則水不能衝矣。中留小路。僅通單騎。有急則塞之。橫鐵鍊

以斷河。此法浮圖峪已有。但繫鍊以木柱。可援而過。宜用石柱繫之。此處截住則

關城一帶不待守矣。再過二里。即瓦窰安。所謂可通

上陳驛者。墻薄易墮。當增敵臺。所留便門。原為接應

盤石城而設。宜改而小。僅容一人。有急則塞之。而添軍五十人

把守。則紫荆無間入之隙矣。此守關之第一義也。

烏龍溝本城。并各口。照嘗守外。獨忙兒溝路小而無

關。攔守軍沙汰外。僅存十九名。安能禦虜。議當路壘

石截之。中留小路。通人。有警則塞之。至中夾川流。濬深之。使虜馬

紫

不得過此守烏龍溝之大略也

寧靜安本城并各口炤嘗守外獨南門外榆樹窪澗

五丈低凹恐虜扒溝可越宜添高五尺以防之五虎

嶺雖內口然通保定易州要路嶺甚尖峭而守口者

在嶺下不得力宜設關嶺頭而加派軍五十名守之

以絕其內侵此守寧靜安之大略也

浮圖峪各口炤嘗守外查虜入只有二路繇蜚狐口

入為旁路徑衝夾河口而達內地繇孤山入為大路

直抵西門下亦可經過夾河口蜚狐雖有短牆難塞

巨口宜築崇臺以禦之

下留小門有急則塞之

孤山極峭與本

峪內山相峙中有巨石高廣各數丈宜倚巨石為關

以當路口上接孤山下抵於河壘墻三十丈臨河為

臺移西門前攔河鐵鍊於此

繫鍊易木柱以石柱

以防其涉水

則慮必不能越孤山而本峪不待守矣再查浮圖原

額守軍一千二百名以承平減半僅存六百九十五

名今虜警狎至單弱可慮合無議補軍三百五名以

五十五名守蜚狐口。以一百三十名守孤山。以一百二十名東西策應。纔保無虞。似斷斷不能已者。此守浮圖峪之要略也。

白石口。羊圈子在山巔。白馬安內有重城。外牆已廢。無所事守矣。本城北門臨口。既無甕城。內有護牆。又無門。今宜於內護牆捲石爲門。兩旁壘高與城埒。小山逼城者。壘臺山上。與城樓犄角。城門外再築攔馬牆。如偃月狀。而右其門外。塹開兩重。深一丈。濶三丈。

爲木橋以濟。急則去之。又干來路山嶺窄處。鑿斷一二處。以木橫渡。如棧道狀。有警則絕之。庶虜騎有阻。至西水溝口。葫荻口。兩處牆低。宜各增高一丈。下水門用石捲之。僅通一人。有警則塞。各添軍五十名防守。以防其

徑入內地。此守白石之要略也。浮圖白石固。而內地安堵。紫荊又不待言矣。

三嚴城守之具。查得守城嘗法。遠用佛狼機。稍近用鳥鏡。再用石矢。人能知之。卽今各口城上亦堆小石。

然火藥施放易盡小石力微不震古有礮石法用木

激發頗為煩難今議用大圓石自五十斤至二百斤者圓取其能滾每

槩五塊用天秤吊起發之天秤即桔槔狀巨石難以手提須此纜可起遠則飛

擊近則墜下又巨石有孔者垂下連擊之一石可當數百

石之用上用麻繩下六尺用鐵繩防賊砍斷不需火藥而有神鏡之威

不用弓矢而有立殪之巧此守城第一具也如蜚狐

口孤山口白石口西水溝葫荻口等處各設天秤巨

石何懼虜哉

烏龍溝過來城上多設火把此大非也凡守城燈用

竹竿挑出城五尺離地七尺城下明而城上暗使我

見賊而賊不見我方便擊賊耳餘如設草廠而輪更

歇宿傳暗號而緊防奸細皆有成法仰賴憲檄通

行自可有備無患

四酌新舊之餉查得軍爭治力以飽待饑若以饑應

飽不戰而已敗矣據守軍哀訴自舊年七月至今無

糧加以乘障艱危修築辛苦使枵腹而操戈恐饑而

...

負畚情甚堪憐。今雖開發七年舊糧，只是舊軍支領。現在新軍，毫不沾惠，真可謂所養非所用，所用非所養者。合無議新舊糧並支，如發兩月糧，以一月作天啟七年糧，以一月作崇禎元年糧，使舊軍新軍並沾實餼，然後責以修戎赴敵，彼何說之辭。至若清查虛冒，嚴禁賧削，尤為喫緊。毋以養軍者徒克鼠腹可也。

### 固原

固原鎮，成化以前套虜未熾，平固安會之間，得稍休息，所備者靖虜一面爾。自弘治中，火篩入掠後，遂當虜衝，始卽州治爲鎮城，以固靖甘肅四衛隸之，與寧夏稱唇齒。屹然一巨鎮。

固原一邊開城縣舊地也。控三晉之右，扼秦疆之北，最稱險要。焉花馬池一帶，邊人謂之大門。若併力堅守，花馬池則固原自可無虞。而響石溝至靖虜一帶，修築又在所緩。蓋力分則勢弱，寇已入門，主人束手。





故愚以爲總制不駐花馬池則固原未可息肩也靖虜一帶每歲黃河水合一望千里皆如平地若賀蘭山後之虜踏冰馳蹕則蘭靖安會之間便爲禍階調兵防守候在水凍而西鳳臨鞏之卒多未經戰豈能捍禦然則不屯河之堡不屯嘗戍之兵則固原又未可息肩也徵調客兵他鎮有事則然無事則已若固原防守之戍每歲凡四閱月而芻糧不爲之處尚在本兵額內支給如之何其不告乏乎小鹽池批驗

舊在固原蓋來商旅納貨賄期以填實此地而王瓊移置下馬房其見偏矣夫固原中制之地也總督所在戎務攸關此特一隅之論耳若夫任將任官足食足兵之計孰不能言之所以體權盡寔存乎其人焉耳。

且三秦以北直接虜境脫使賊與虜同合謀而動愚恐關東之憂不在勝廣故秦賊智老勇沉可以計取未易威破也。

古來夷狄有事莫如正統景泰間方沙窩賊犯朔州郭定襄以孤軍走七十里猝與之遇士幾無人色乃輕騎薄虜出其不意呼震山谷遂成栲栲之捷郭所將兵八百耳其善用少也而今有之乎

昔者虜入延綏楊彰武奉詔西援大同虛矣度虜必乘我設伏葫柴溝伺之虜至發伏殲焉楊將軍之善用伏也而今有之乎景泰中虜犯京師楊洪出獄中扼虜紫荆涿鹿間功首諸將彼其感憤爭先士卒用命以氣勝也而今有之乎弘治中虜入關中王起起編營在總制單騎出塞襲斬賀蘭彼其慷慨用力圖報知己以略勝也而今有之乎



四

三

卷

